



**"REGIONALNA DEPONIJIA MOŠĆANICA" d.o.o. ZENICA**  
Moščanica bb, 72000 Zenica, Bosna i Hercegovina  
Tel: 032 / 44 63 60, Fax: 032 / 44 66 34,  
www.rdm.ba e-mail: [regdepze@bih.net.ba](mailto:regdepze@bih.net.ba)  
Identifikacioni broj: 4218003170004, PDV broj: 218003170004,  
Registarski broj: U/I-3232/02 (Kantonalni sud Zenica)

Broj: 02-741/21  
Zenica: 09.12.2021. godine

Na osnovu člana 64., stav (1), tačka b) i člana 70., stav (1) i (3) Zakona o javnim nabavkama („Službeni glasnik BiH“, broj 39/14), člana 35. Statuta Privrednog društva „Regionalna deponija Moščanica“ d.o.o. Zenica a na preporuku Komisije za javnu nabavku, imenovane Odlukom, broj: 02-688/21 od 15.11.2021. godine u konkurentskom postupku nabavke „Monitoring okolišnih parametara“, direktor Privrednog društva „Regionalna deponija Moščanica“ d.o.o. Zenica (u daljem tekstu: Ugovorni organ) donio je:

## **ODLUKU**

### **o izboru najpovoljnijeg ponuđača i dodjeli Okvirnog sporazuma za "Monitoring okolišnih parametara"**

#### **LOT 2. Monitoring deponijskog plina**

##### **Član 1.**

Prihvata se preporuka Komisije za javnu nabavku, broj: 02-740/21 od 09.12.2021. godine i Okvirni sporazum za:

- **LOT 2. Monitoring deponijskog plina** dodjeljuje se ponuđaču **Institut za građevinarstvo "IG" Banja Luka**, na osnovu njihove ponude broj: 3970/21 od 01.12.2021. godine za ponuđenu cijenu od **7.500,00 KM bez PDV-a**.

##### **Član 2.**

Prijedlog okvirnog sporazuma za **LOT 2. Monitoring deponijskog plina** dostaviti će se na potpis izabranom ponuđaču **Institut za građevinarstvo "IG" Banja Luka** najkasnije u roku od 10 dana, računajući od dana od kada su obaviješteni o izboru najpovoljnije ponude a nakon što Odluka postane pravosnažna i konačna.

##### **Član 3.**

Ova odluka objavit će se na web-stranici Ugovornog organa ([www.rdm.ba](http://www.rdm.ba)) istovremeno s upućivanjem primjerka odluke ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

##### **Član 4.**

Ova odluka stupa na snagu danom donošenja i dostaviti će se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## Obrazloženje

Postupak javne nabavke "Monitoring okolišnih parametara" za potrebe Ugovornog organa pokrenut je Odlukom o pokretanju postupka javne nabavke, broj: 02-687/21 od 15.11.2021. godine.

Ukupna procijenjena vrijednost javne nabavke bez PDV-a je 17.000,00 KM, odnosno po LOT-ovima kako slijedi:

LOT1. – Monitoring oborinskih, površinskih, procjernih voda i permeata iznosi 7.000,00 KM bez PDV-a,

LOT2. - Monitoring deponijskog plina iznosi 10.000,00 KM bez PDV-a.

Javna nabavka je provedena konkurentskim zahtjevom u skladu sa Zakonom o javnim nabavkama. Kriterij za ocjenu ponuda je "najniža cijena" prihvatljive ponude.

Dana, 22.11.2021. godine na portalu javnih nabavki ([www.ejn.gov.ba](http://www.ejn.gov.ba)) je objavljeno Obavještenje o nabavci, broj: 362-7-2-278-3-14/21.

Komisija za javnu nabavku imenovana je Odlukom direktora Ugovornog organa, broj: 02-688/21 od 15.11.2021. godine.

Dana, 09.12.2021.godine Komisija za javnu nabavku je dostavila Zapisnik o ocjeni ponuda, broj: 02-740/21 od 09.12.2021. godine u postupku javne nabavke "Monitoring okolišnih parametara.

U Izvještaju (Zapisniku) o radu Komisije je utvrđeno da je Komisija u skladu sa Zakonom o javnim nabavkama blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik.

Tom prilikom, Komisija je za **LOT2. Monitoring deponijskog plina** utvrdila sljedeće:

- da su ukupno dostavljene dvije (2) ponude,
- da su blagovremeno na protokol Ugovornog organa zaprimljene dvije (2) ponude, i to sljedećih ponuđača:
  - Dvokut pro d.o.o. Sarajevo i
  - Institut za građevinarstvo IG Banja Luka
- da nije bilo neblagovremeno zaprimljenih ponuda.

Nakon okončanog javnog otvaranja ponuda, Komisija Ugovornog organa je pristupila analizi dokumentacije priložene u ponudu u smislu provjere njene validnosti obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama, odnosno pripadajućim podzakonskim aktima.

Komisija je utvrdila da sve ponude dostavljene u natječaju ispunjavaju formalno - pravne uslove u skladu sa Zakonom o javnim nabavkama i odredbama Tenderske dokumentacije za predmetnu nabavku Ugovornog organa.

Analizom svih pristiglih ponuda, Komisija je ustanovila da ponude sadrže sve dokumente koji su traženi tenderskom dokumentacijom, da su validni i da ispunjavaju sve uslove iz Tenderske dokumentacije da su ponude prihvatljive, te da mogu biti predmet vrednovanja shodno utvrđenim kriterijima u Obavještenju o nabavci, odnosno Tenderskoj dokumentaciji.

Također, potrebno je naglasiti da su ponuđene cijene ponuđača u granicama procijenjene vrijednosti nabavke te nije bilo neprirodno niske cijene ponuda.

Nakon izvršene analize ponuda, izvršeno je rangiranje ponuda ponuđača. U tabeli je dat pregled ponuđenih cijena za predmetnu nabavku i rangiranje ponuđača po kriteriju "najniža cijena" prije e-aukcije, kako slijedi:

#### **LOT2. - Monitoring deponijskog plina**

<b>Rang</b>	<b>Naziv ponuđača</b>	<b>Ponuđena cijena (bez PDV-a) u KM</b>
<b>1.</b>	Dvokut pro d.o.o. Sarajevo	<b>9.990,00</b>
<b>1.</b>	Institut za građevinarstvo "IG" Banja Luka	<b>9.990,00</b>
<b>2.</b>		

Obzirom da su sve pristigle ponude bile prihvatljive, unesene su u sistem e-aukcije. U skladu sa Zakonom o javnim nabavkama i odredbama tenderske dokumentacije zakazana je e-aukcija za **LOT2. - Monitoring deponijskog plina** na dan 08.12.2021. godine u 14:30 sati.

Nakon provedene e-aukcije rang ponuda za **LOT2. - Monitoring deponijskog plina** je bio sljedeći:

<b>Rang</b>	<b>Naziv ponuđača</b>	<b>Ponuđena cijena (bez PDV-a) u KM</b>
<b>1.</b>	Institut za građevinarstvo "IG" Banja Luka	<b>7.500,00</b>
<b>2.</b>	Dvokut pro d.o.o. Sarajevo	<b>7.850,00</b>
<b>3.</b>		

Također, nakon provedene e-aukcije utvrđeno je da nije bilo neprirodno niskih cijena ponuda.


Komisija za nabavku je utvrdila da ponuda, broj: 3970/21 od 01.12.2021. godine ponuđača – **Institut za građevinarstvo "IG" Banja Luka** za **LOT2. - Monitoring deponijskog plina** ispunjava sve formalno – pravne uslove iz Zakona o javnim nabavkama i kriterije Ugovornog organa postavljene u Tenderskoj dokumentaciji, da je ovaj ponuđač ponudio cijenu ponude od **7.500,00 KM bez PDV-a** koja nije veća od procijenjene vrijednosti nabavke bez PDV-a, te je s toga ova ponuda ocijenjena kao prihvatljiva i najpovoljnija.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjele ponude u skladu sa Zakonom o javnim nabavkama i kriterijima iz Tenderske dokumentacije.

Uzimajući u obzir naprijed navedeno, primjenom člana 64., stav (1), tačka b) Zakona o javnim nabavkama, odlučeno je kao u članu 1. ove odluke.

#### **POUKA O PRAVNOM LIJEKU**

Protiv ove odluke može se izjaviti žalba Ugovornom organu, najkasnije u roku od 5 (pet) dana od dana prijema Odluke.



Adnan Šabani, Bsc. ecc.

Dostaviti:

1x Ponuđaču: Institut za građevinarstvo IG Banja Luka

1x Ponuđaču: Dvokut pro d.o.o. Sarajevo

1x a/a